


CHINESE-JAPANESE COLLECTION
HARVARD COLLEGE LIBRARY
FROM HARVARD-YENCHING INSTITUTE
JUN 28 1932

T1789³/3649



三遷志卷五上

同里後學

浦 楊 緒

周希孔參考

曲邑

孔承鏞

重訂

喬孫

孟 弘 堪

較閱

孔承周

孟 聞 玉

海鹽

呂兆祥

重修

呂逢時

祭謁

冠帶之倫誰非弟子有來雍雍肅肅至止于藻
于蘋以享以祀固亶其誠亦神之使述祭謁第

哈佛大學哈佛燕京
圖書館珍藏印

元司農司卿達實帖睦爾過鄒命喬孫孟思言代祭孟子李之彥記曰至正十一年秋八月癸巳湖廣等處行中書省平章大司農司卿達公奉使浙東馳驛過鄒次于公廨俾侍者請亞聖五十四代孫孟思言謂曰余聞爾祖亞聖公鄒人也有祠在此禮宜奠謁然有帝命在躬不敢他及子其爲我代祭可乎遂給資五十緡使買少宰以祀焉之彥嘆曰斯祭也可見公之所識者大矣公當造次匆遽之時不暇親祭聖人猶必使人代之非平日即墓聖賢之深頃刻而不忘于懷焉能如是哉卽此觀之使公居鼎輔之位必能以吾孟子所以敬齊王者敬其上矣彼以儒起身貴顯于世居從容無事之際道經是邑及茫然不知有亞聖祠在此有雖知之而又不一往拜于祠下寧不有愧于公平公名達實帖睦爾字九成康里人也

元太師右丞相脫脫過鄒縣祀孟子楊惠記曰至正十二年龍集玄默執徐秋八月太師右丞相以河南妖賊鼓惑愚氓盜兵扇亂陷據城邑殺掠民庶久未戡定恐貽皇上憂累自請命分省于外親

董六軍南下大震天威肆伐徐方指揮虎旅勦滅
醜類猶太山壓卵摧枯拉朽不足喻其易也道經
鄒邑以孟子林廟在焉仰盛德高風乃遣使備禮
借邑令具牲幣粢盛代致祀焉庸展肅敬之忱庶
盡尊崇之義使聖賢之教由是而興鄒魯之風由
是而振所謂以禮義爲干櫓以忠信爲甲冑說禮
義而敦詩書者復興于昭代用儒術而陳俎豆者
再見于聖朝旣獎明乎文教必克定乎武功其於
擴清寇亂綏集群黎奏凱而還可俾而待矣嘗謂
孟子以命世亞聖之才當戰國縱橫之秋異端並

興邪說誣民者衆天下學士隨風而靡不歸楊墨
歸墨孟子於頽波洪潰奔注之際砥柱中流壁立
萬仞距楊墨闢邪說使堯舜之道復明周孔之學
弗墜人文宣朗以迄于今先儒以爲功不在禹下
者誠哉是言也今太師右丞相世篤忠烈服勞王
家勲庸烜赫焜燿今昔粵茲南征軍旅之間不忘
俎豆文教方之大禹之征苗頑周公之討殷叛魯
公之平淮夷徐戎可齊駕于千古矣至于設庠序
興禮樂民俗還淳光開泰運頌聲洋溢直旬朔之
間耳則豐功偉烈與聖賢之道同垂于無窮也哉

頌曰繫鄒孟氏亞聖雄資道傳周孔學紹曾思
澤息邪知言養氣發前聖奧澤及百世丞相南征
薄伐徐戎道經鄒邑敬仰高風遣使致奠牲幣豐
潔儀文肅穆神人歆悅丞相南征肅將天威六師
嚴整如虎如貔金戈所指海宇清夷徐方釋騷如
枯見摧丞相之勳孟子之德烜赫宇宙勒之礫石
播之絃歌頌聲洋溢遐邇流芳百世無斁

脫脫傳以此為

十四年伐張士誠時事與碑不合疑文誤爾

至正十四年甲午中書省委官趙晉花亦忽篤

鄒廟有記

葉文宗謁廟題名有記

石刻

洪武十三年庚申鄒縣知縣高用才等祭廟有記

齊王過鄒遣祀鄒國亞聖公薛彌克題名記曰洪

武十五年壬戌秋九月二十有七日癸酉

詔命齊王之國先二日辛未遣紀善薛彌克前行

凡道塗經歷名山大川與古昔聖賢祠宇率以牲

幣告祭乃十月三十日戊寅次于鄒邑齋戒逾宿

越巳卯有事于鄒國亞聖公廟邑之長佐及供祭

之人咸祗肅駿奔毋敢褻易籩豆有實牢醴潔清

神其歆止禮用克成於是孟氏五十四代孫思諒
進而言曰

皇上誕膺天命統一區宇首詔闕里以四仲祀先
師孔子大成至聖文宣王惟是顏曾思孟既列配
位已而復命有司於顏孟二廟亦以春秋祀享其
宗師重道之禮至矣今

親王撫藩東土鑿御攸經遣官致祀其所以敬禮
先聖蓋猶

皇上之意也是固一代之盛典宜有所記以示永
久敢以爲請彌克竊惟孔子之道祖述堯舜憲章

文武師範萬世昭如日星可謂盛矣然世至戰國
人欲橫流天理泯滅向非孟子師事子思排斥異
端扶植正義則孔子之道不幾于或熄矣乎故昌
黎韓愈推明其功以爲不在禹下其論確矣彌克
早受讀其書潛玩微辭漸濡德義之日久矣今乃
獲以王官奉令而來躬履其鄉瞻仰廟貌俯俸將
敬豈非幸歟雖然此非彌克一時之榮也凡在斯
文皆與有榮焉故於其請不復辭讓而樂爲書且
以齊府官屬名氏悉著于碑陰云

丙

劉

文

山東東平道
肅政廉訪使

惟公生稟淑質名推大才立王化之基治儒術之
道遵行仁義距放邪淫垂萬世之憲言宜諸生之
禮祀尚饗

元至正二十一年辛丑九月乙酉朔越九日丁

巳

察罕帖木兒

銀青光祿大
夫御史中丞

惟公養氣知言推明性善攘闢異端以承三聖茲
奉王命薄伐羣孽載臨鄒邦景慕先哲敬遣輔行
式言情功尚饗

國朝洪武四年辛亥三月 日

鄧原忠

鄒縣
縣丞

惟公知言養氣允有實學性善一語大啓人心斥
異端而道學以明承三聖而道統以續况茲鄒邑
公之闕里斯民被其德教已深矣其 忝膺 朝命
于茲佐理凡公之所以論為政者願取法焉非才
弗克公其相之謹告

洪武六年癸丑閏十一月 日

張瑄

山東按
察使

不有孔子則堯舜之道無以傳微孟子則孔子之
道何以著是以韓子推尊以為功不在禹下者詎

不信然神其鑒之尚饗

洪武六年癸丑 月 日

汪繼道 鄒縣知縣

惟公生當戰國之時克明性善之學道非堯舜則
不陳功於神禹而可並上承三聖道統綿綿其
曆 朝命來牧是邦惟公之道德是所景慕焉辦
香致敬公其鑒知尚饗

洪武七年甲寅 月 日

徐源

惟公被三遷教為百世師尊王賤霸非堯舜

陳養氣知言惟周孔之傳其式功高

所宗 學公之學尚公之志忝膺 朝命佐治

邦今以王事道經於此敬致菲儀謁奠公其鑒知

尚饗

洪武七年甲寅十月三日

崔潔

山東按察司分司官

戰國之時聖賢道否公以命世大才出而任斯道
之責俾義軒以來道統之傳得以不絕則其功之
紹於前者為其大也况七篇之書道學政事靡所
不載則其澤之被于後者為無窮也 臨鄒那景

仰休風展禮廟庭少伸厥敬伏惟尚饗

洪武八年乙卯六月 日

賈巖 濟寧府同知

惟公遵三遷教著七篇書當戰國分爭之時闡聖賢性善之秘黜伯功而明王道息邪說而正人心統紹宣尼功配神禹非命世亞聖大才其克若是乎巖忝以公行道經鄒邑敬謁廟庭仰承盛德謹告

洪武九年丙辰 月 日

程思道 山東金嶺鎮

生於千載之下仰慕於千載之上賢者何也嘗聞前聖之道既絕而復續其端之說既熾而復熄人心既邪而復正而孰使之然也嗟乎孟夫子之功也今因巡歷過其里瞻其廟禮其像面其孫儼然如親炙之敬者豈無自而然哉謹告

洪武九年丙辰 月 日

鳳朝陽 濟寧府兗州判官

天生命世大才當戰國從衡之時獨能崇王黜伯道性善闢異端其道繼孔聖其功配神禹宜後賢之推尊為萬世之永賴也謹告

洪武十四年壬午十月

豫章余植

韓文有曰堯以是傳之於舜舜以是傳之於禹禹以是傳之於湯湯以是傳之於文武周公文武周公傳之孔子孔子傳之亞聖亞聖沒不得其傳焉朱文公又曰孔子傳之曾子曾子傳之子思子思傳之孟子而止焉然則孟子續千載道統不傳之緒以垂教於萬世所謂後孔子而聖者也亞聖大才豈虛語哉植道經鄒里恭謁廟庭不敢以當祭者謹捐俸金以貽孟氏之賢子孫王祭者為秋

之一助云謹告

洪武十六年癸亥 月 日

朱敬鄒縣

惟公闢楊墨之功不在禹下非堯舜之道不陳於王前當異端害正道之時人欲壞彝倫之際不有先覺孰任斯文敬生當千百年之後叨讀七篇仁義之書每思瞻仰道與時違不如所願恭奉明命來長鄒邦天遂其心謹以剛鬣之儀用表誠敬謹告

宣德九年甲寅六月 日

施淵工部王事

惟先師孟子之學得於子思著書七篇垂訓後世
論性則曰本善論孔子則曰賢於堯舜論仁義禮
智則原夫四端皆所以擴前聖之所未發使堯舜
周孔之道不陷於異端不溺於邪說不逐於智謀
術數之小黜伯尊王功莫大焉謹告

成化十一年乙未三月朔日

畢瑜山東提學僉事

嗚呼三代以下正學不明邪說行天下久矣吾夫
子沒而微言絕不有豪傑如公者出人孰知兼愛

非仁義非義人性本善而無惡孰知王道當會
有功於斯則夫子之後不可無公也明矣公嘗之
會之梁之滕奉奉以興學教民為務惜當時皆莫
之聞今聖天子在上王道大行教養兼至茲欲率
而生皆明正學且孝弟忠信自鄒魯始公其鄉人
也幸默相之追我素飡之羞謹告

成化十五年己亥十二月壬子朔越二日癸丑

錢溥南京吏部尚書

嘗讀仁義七篇而知人性之善夜氣之存是以發
前聖之蘊又嘗考世族之譜而知孟仲子之為子

至守之坊墓猶有足以祛後世之惑今也自京歸
老詣將及鄒見源泉之混混歎道體之彌深仰泰
山之靈或識氣象之如在敬奠一觴用酬遺教謹
告

辰化 七年辛丑七月甲戌朔三日丙子

時始修完

張泰 鄒縣知縣

公學李公之庶道宗堯舜仁義七篇萬世垂訓

公之學亦公之學補取於公祭器是作今茲完

釋菜惟誠是將賴公明德輔我

...

辛酉朔越二十六日丙戌

章 忱 太僕寺丞

學...

...

...

...

陳鳳梧 山東巡撫

...

...

...

巖氣本清... 此蘋藻吾道一脈

嘉靖二十六年丁未四月乙巳朔越二十七日

何鰲 山東巡撫

於考... 聖萬世... 中庸惟我夫... 子得... 於山傳心授之切而又以闡明於邪說橫... 流之所共仁... 訓知言養氣之學真有以... 之... 之... 之... 於無窮然則萬世之不惑... 之... 之... 之... 功... 等... 幼讀夫子之書而... 其... 道... 以... 今幸... 無... 東土得瞻廟容儼

儀像如親炙仰古訓之遺風謹以菲儀用表寸衷
尚饗

嘉靖三十一年壬子秋八月辛亥朔越祭日丁

巳 時始修三遷志

史鶚 山東沂州道僉事

惟師泰嶽降神生而峻厲巖巖氣象表率百世家
有嚴母三遷學宮機杼一斷作聖之功道統攸傳
願學孔子扶植之力顏曾莫比力闢邪說仁義七
篇萬世永賴如日麗天遺塚云亾值孔道輔求而
得之鎮我東魯朱令徐士改設廟楹望之可畏英
氣如生封爵錫田沿于累代繩繩相承道運同泰

襲封世職創自我 朝崇重儒道治教懋昭予蒞
邾城弔塚禮齋專纂志書備載世系孟門正脉源
流甚真彼作偽者何其亂倫志名三遷厥義何在
蒙養以正由於母教爰采蘋藻用告厥成師其昭
感俯鑒斯情謹告

萬曆六年戊寅 月 日

趙賢 山東巡撫

天挺真儒學識其大仁義七篇唐虞三代貴王賤
伯排邪翼正孔道益尊禹功堪並距越在後鳧繹
在前鬱鬱檜栢有廟巍然正友潔蘋藻載炙載親巖

氣象萬世所欽尚饗

萬曆十一年癸未 月 日

陸樹德 山東巡撫

惟夫子開陳王道炳然日星其事備于居仁由義
其要先于薄歛省刑彼移民移粟惠不足稱况爲
鷓爲獺政何以平故曰有不忍人之心斯不忍人
之政行也是彝是訓定保明徵訖能外茲規矩準
繩况入其疆撫其人敢不奉以核吏康民泰山巖
巖陟降在庭所貴心通黍稷非馨尚饗

萬曆十八年庚寅 月 日

鍾化民

山東巡按

既生天地不可無仲尼既生仲尼不可無夫子天地之道得仲尼常行仲尼之道得夫子常明化民觀風茲土肅拜聖容敢不正人心明王道以承夫子之功尚饗

萬曆三十七年戊申

月

修廟動工祭文

胡繼先

鄒縣知縣

惟靈本仁祖義黜伯崇王承聖統以淑人闢邪說而輔世夜氣醒幾希之脉鷄鳴嚴善利之間是誠後學之依歸固宜明王之廟祀乃者宮墻傾圮殿

屋蕪蕪雖歲久則締構易壞亦民窮而物力難繼

某等來牧茲土雅伏神禧嘗致慨于黍離益動思

于源本雖承院允難竭絲贊謹捐處其寸金聊補葺乎大厦惟日仍舊豈云壯觀第恐土木沓興致賢靈之驚震以故牲醪預告祈神力之護持行看不日之成佇聽子來之悅尚饗

萬曆四十一年 月

沈應奎

惟師嶧秀岱靈渾合粹精慈儀私淑闡發誠明異教不波正學不晦涑泗之脉夫子是承敷陳王道

顯斥霸術文武既墜夫子欲行秦火暴灰聖統危
絲茫茫長夜洶洶橫議屹屹堅壘鉤鉤大聲夫子
顯懿直亘宇宙夫子陶冶直埒生成何所不流在
地江河何所不臨在天日星應奎小子去聖遐遠
學步學趨如墮如盲未窺一經何以千里虛叨竊
祿慙負明經旦氣幾希良心憂醒官墻伊邇模楷
若親牖啓迷途敢不式刑尚饗

萬曆四十六年戊午六月

呂元善

山東布政司都事

天作尼山借靈鄒嶧嗣脉傳心

亞聖乃出大聲

庶綦蕪雖歲久則締構易隳亦民窮而物力難繼
某等來牧茲土雅伏神禧嘗致慨于黍離益動思
于源本雖承院允難竭縣貲謹捐處其寸金聊補
葺乎大厦惟日仍舊豈云壯觀第恐土木沓興致
賢靈之驚震以故牲醪預告祈神力之護持行看
不日之成佇聽子來之悅尚饗

萬曆四十六年戊午六月

呂元善

山東布政司都事

天作尼山借靈鄒嶧嗣脉傳心

亞聖乃出大聲

叫空喚醒聾塞口生堯舜坐歿楊墨氣含隆古養

到今日惟人領受與通呼喻善來自公瞻仰有赫
愧不動心浪逾四十孟母泉香孟母菜碧仗母致
子庶幾來格尚饗

崇禎元年戊辰

月

時重修三遷志成

呂兆祥

於惟亞聖道統攸寄實始三遷訓垂百世上副
七篇厥有一志前溯靈源後續芳裔忽罹妖燹書
亾業墜所幸先人昔有著記合史與胡荃輯哀稟
祥出手藏與兒勤肄兀兀寒暑採同考異割產召
工力完鉞鏹一念希賢破家不悔冒霧侵星遠到

叫空喚醒聾塞口生堯舜坐然揚墨氣含隆古美
到今日惟人領受與通呼喻善來自公瞻仰有赫
愧不動心浪逾四十孟母泉香孟母菜碧仗母致
子庶幾來格尚饗

恭昌元年十一月二十四日

王在晉

山東巡撫

天生亞聖上繼絕學肇此先知以覺後覺旨哉性
善民生秉燹惟堯與舜人皆可為幼學壯行居仁
由義以詔時君何必日利聖門之徒賤霸尊王王
不待大奚有齊梁浩氣克塞厥由善養當路于齊

齊王反掌衆言淆亂邪僻浸淫趨楊趨墨亟正人心惟五百年誕生名世感時拊膺實關隆替近聖之居地接尼山夷清惠和匪其所班明善誠身高談性命功不讓禹以承三聖晉撫茲土遠遡遺芳三遷故里徒倚宮墻泰山巖巖萬代殊絕魯國所瞻景行先哲羞談管晏麗美伊周肅將俎豆人只千秋仲尼既沒文在于此流風尚存私淑可矣

天啓三年癸亥五月庚寅朔越祭日巳亥

魏應嘉太常少卿

嗚呼惟我亞聖夫子以仁義七篇直接尼山正統

師表百世巖巖在望正心息邪百世且式憑其靈不謂白蓮扇禍中於氓化爲殘賊致鍾靈毓秀

禮樂文明之邦馬焚畧剪爲丘墟原野厭肉川谷流血豺狼塞南北之路烽火照縱橫之屍薪木

毀傷俎豆無色過者無不咨嗟痛恨而德門賢胤並罹其禍傷哉然能與母子同時罵賊以死三代

相望烈烈生氣浩然長存孔北海顏常山平原兄弟不得專美於前有問卿父子而五矣真亞聖之

繩武取義之英軌也妖殄功成 皇上俞守土者

請再允諫官章特 命鼎新廟貌遣臣應嘉捧

論書致祭用慰我夫子之靈兼及岡鄉父子贈官
祠謚厚卹忠義知洋洋精靈翩然來格仍奠我亞
聖默屬民衷發其知覺使大經正而無民與人心
正而邪慝化一道同風人人曉仁義而急君親為
忠臣孝子善士良民不愧聖域所生惟亞聖是啓
是翼將 朝廷特典百世光昭而子孫仍仍永食
仁義之報是則今日表章之意而凡讀其書者咸
師淑靡窮榮施無涯矣明水澗毛惟以告虔尚其
饗之

崇禎元年戊辰九月

時重修三遷志成

呂兆祥

於惟 亞聖道統攸寄實始三遷訓垂百世上副
七篇厥有一志前溯靈源後續芳裔忽罹妖燹書
亾業墜所幸先人昔有著記合史與胡荃輯哀彙
祥 出手藏與兒勤肄兀兀寒暑採同考異割產召
工力完鉞鏹一念希賢破家不悔冒霧縹星遠到
沂泗送刻 神宮虔致聖嗣心願此書永承于祀
敬告 夫子鑒觀斯意尚饗

孟墓祭文

萬曆三十五年丁未 月 日

胡繼先 鄒縣知縣

於維夫子卜兆四基額外祭地縣續置之云何淪
浚祭典缺遺敬搜舊業復損新貲地增半倍祭益
一期茲當 某月之 某日定為萬祀之常儀典制有
經賢靈是依尚饗

子思廟祭文

順治十一年甲午九月甲戌朔越二十八日甲寅

高景 太常寺少卿
陞右通政

惟公值戰國從衡之世七篇之旨獨能尊王抑霸
辨義析利俾堯舜之道以傳孔子之道以著久已
如日月之經天江河之行地人謂功不在禹下者
曾其然乎景復命北歸經臨鄒邑仰元喆之已
往覩廟貌之猶存敬以剛鬣之儀用展微忱公其
鑒之謹告

孟母祭文

萬曆十八年庚寅 月 日

鍾化民 山東 巡按

予之聖即母之聖妻之聖即夫之聖不有三遷之
教訖開浩然之聖人生教子志在青紫夫人教子
志在孔子古今以來一人而已為丈夫者瞻對慈
顏安可不奮然獨往必求至于孔子尚饗

朕惟爾
 也惟爾
 孟夫子七篇衛道心長萬古報功典重豈意魯
 也惟爾
 我朝追崇賢聖恤及後昆所以維世道覺人心
 贈太常寺寺丞孟弘畧之靈曰朕惟
 贈貞淑恭人孔氏子應襲
 贈太僕寺少卿孟承光母
 諭祭亞聖孟夫子暨博士
 皇帝遣太常寺少卿魏應嘉
 天啓三年五月初十日
 維

維

天啓三年五月初十日

皇帝遣太常寺少卿魏應嘉

諭祭亞聖孟夫子暨博士

贈太僕寺少卿孟承光母

贈貞淑恭人孔氏子應襲

贈太常寺寺丞孟弘畧之靈曰朕惟

我朝追崇賢聖恤及後昆所以維世道覺人心

也惟爾

孟夫子七篇衛道心長萬古報功典重豈意魯

林遺對鳥不敢巢鄒谷叢蘭獸何忍剪爾胤
孫博士孟承光一門殉難吾道奇窮朕每覽
守臣奏狀殊切愴懷是用遣官敬陳蓬豆式
念羨墻暨孟承光母子起爾哀魂歆茲渥典
巖巖未謝上妥

亞聖在天之靈烈烈如生下慰博士九原之痛
於戲天之未喪斯文妖氛立殄澤之不斬君
子奕葉彌昌豈徒恩賁一時庶冀光照百代
尚

饗

墓誌

亞聖五十二代孫處士彥通孟公墓誌銘

洪武辛亥

廣信桂孟撰 濟寧府兗州
鄒縣知縣

處士宗子諱惟恭字彥通姓孟氏寔

鄒國亞聖公五十二代孫其先有諱德義者君之

祖考諱允祖者則君之考也自余來尹鄒邑求孟

氏之賢者僅得君之孫思諒相與來往將載期怒

焉恒以大父沒未有述為歉請再四而益固益處

士之生篤厚而明敏結髮而知嗜學弱冠而能為

文辭平居寡言笑不求宦達遇事有謀而善果斷

暨主領祀事能幹置雅於繼述之事尤惓惓焉泰
 定五年五月蒙中書撥付祭田以頃計者三十官
 錢以緡計者三千有奇收貯貫粒具遵豆壘洗恭
 脩春秋釋奠以其贏行貸計其子本所入次第興
 創正殿塑亞聖像建兩廡作櫺星門重三間構講
 堂西齋神厨庫房繚以周垣約百餘丈築斷機堂
 于中庸書院之西北甃曝書臺又刻加封亞聖制
 碑及宗枝圖林廟碑大小凡三十餘座君娶李氏
 生二子長之庸幼入孔顏孟三氏學願守祖祠不
 仕娶王氏次之訓始由單父縣儒學教諭陞莒州

儒學學正娶

宣聖五十二代孫譙縣尹孔吉甫女生二子思諒
 蓋其冢嫡也生九歲而孔氏沒繼母仇氏實勤教
 育至正間嘗在任本縣主簿兼典祀事

國朝初從襲封衍聖公入覲

闕廷得請歸守奉林廟練達而有幹雅能祠宇經
 葺亞聖之祠娶唐氏次元孫蚤沒女二人長大春
 適卓氏次綿綿適毛氏嫡孫一人伯顏幼學女二
 人長秋童次順童俱幼君生以前至元二十一年
 八月二十有二日卒以至正九年十二月二十日

春秋七十有六以至正十三年八月初六日葬於
馬鞍山之祖林西臨付村宅園產榮鳴呼闢邪說
恢聖謨厥祖之功大矣君以幹濟之才又學而又
守志不仕獨以祖庭林廟樹建報效始終爲務而
卒克如志其考終命宜哉余生後猥以弗獲顏接
爲慊今思諒又克朝夕孳孳思有以繼志承考且
斬文以揚前休亦宜牽聯得書殆惡乎辭之固耶
銘曰源之衍流必滋道斯弘後昌宜兮道明晦懸
彼蒼稽厥功邈以彰兮彼寧者丘祖林之慨我銘
貞堅兮灼其潛幽永有觀於茲丘兮

亞聖五十三代孫莒州儒學學正曾甫孟公墓誌

銘

洪武甲寅

張思大撰

濟寧府兗州鄒縣訓導

公諱之訓字曾甫寔

鄒國亞聖公五十三代嫡孫乃處士君之仲子也
前元至正甲申單父儒學教諭考滿陞莒州儒學
學正適值兵興棄職歸桑梓願守祖祠兵亂避地
蔚州不幸以疾歿于正寢甲子五十有二公夙有
學識及歷較官所至學者遵其教薰其德雅有可
觀至於事親孝接友信名著內外文人碩儒咸加
禮貌誠無忝於先祖焉公娶

宣聖五十二代孫譙縣尹孔吉甫女溫恭孝慈內
治有法先卒合葬於城東北馬鞍先兆之次生二
男二女長思諒次元孫早卒再娶仇氏亦貞順所
毓一子思忠女大春適卓氏次綿綿適毛氏孫男
一人克或幼學孫女四人長日秋童次順童秀童
四童男婦二人唐氏郝氏冢嫡思諒生而秀長而
幹亦常爲本縣主簿有良吏才於國家之務罔不
悉心及兵後經葺

於聖祠率族人致祀尤謹况簿與余善請銘先考
潛德爲發其光義弗獲辭迺爲銘曰是繹之靈篤

聖亞聖孟氏之門寔賴餘慶五十三葉子孫述
銘以著之昭示無竭

亞聖六十代孫鞏昌府通判壇峰孟公墓誌銘

鄒縣潘 榛撰 山西副使

壇峰先生者

亞聖六十代孫也先生生而穎絕少長治經術攻

苦刻厲聲即鵲起里中人靖處士察先生才有

許授室是為孺人及任柵內佐先生孝養先生

得一意修業益精試輒高等補博士弟子員

廩食居恒聚徒詣業益勞苦不休少年邁上謂青

雲可立致乃屢試不合卒用里選起家授文學掌

故箠仕下博亾何遷一秩于中山又無何增一秩

于河間先生三歷博士雅以師道自嚴至面命耳
提尤稟正于六籍一時諸生視先生殿最不啻葵
藿以廣厲有效層累而上遂擢閬中司理先生由
經術起一旦持三尺法家言衆疑非所習乃輒循
理無害爰書粹至能不移時訊決於是所部悉就
之聽直諸旁郡邑悉就之質成又爲一時名司理
訖謂儒者拘于文法也先生循資擢又當不次而
竟以別駕遷入秦武始金城之蜀爲西秦險隘虜
素蹂躪不苦兵力而苦轉餉以故當事者輒倚重
先生知先生才足辦此耳卒之飛芻輓粟不暇中

人產而力寬庚癸之呼公百二天府兵端坐彌此
其功不在小浸假而向用其勛業何可勝道乃知
止不殆有味乎藏史之旨卽謝政而還菟裘自適
聽諸子孫讀父書以爲樂且鹿車自隨庶幾偕老
柰之何孺人遽先奪也後孺人八年而先生亦歿
計先生在林下十餘年與鄉人處無少長貴賤咸
得其歡余數從先生飲飲輒酣歌忘倦不以長且
貴自挾柳下油油之風不過也余鄒薦紳先生不
一二里中人有罹于法或邑有大紛更吏民稱不
便者徃徃懇先生言之長吏先生遜謝之足不至

公庭口不談公事長吏無不雅重先生長吏亦間
或從先生物色邑之豪強無賴者先生說不知滅
明之節德操之度先生又以一身兼之矣嗟乎先
生白首研摩口誦不輟上不得從人主之前陳說
經義下不得從長吏之末請試屬國而僅僅位不
滿德以天年終說者每爲先生致憾不知自古文
學之士多淪落不偶然終不以故貶賢則先生又
何憾于地下哉先生名承相字永鄉壇峰其別號
云生于正德七年八月初六日卒于萬曆念六年
十月十八日享年八十七歲孺人生于正德四年

十二月二十三日卒于萬曆十八年九月念四日
享年八十二歲凡舉子若四婚嫁俱里中名閥不
六述獨其孫聞鉦爲諸生有名與余宗有秦晉盟
余髮燥時已艷慕先生爲鄉之質行長者乃今與
肺腑戚尤得悉其行事敢載筆而爲之銘銘曰爾
補爾祖實繁我魯孰爲之後以篤斯祜恂恂者儒
王事靡盬葆素含淳奄然千古厥有孟光數極于
五冥合玄同允藏吉士澤山之陽濟水之游苦堂
右坊斯亦孟氏之廡

傳

壇峰先生傳

鄒縣周希孔撰

孝廉

今亞聖之裔以經術起家者則推壇峰先生先生之大節茂昆潘公誌之詳矣余生也晚僅一再晤先生然數從長者游稍聞先生軼事謹次而著之先生爲人端介仁恕無城府雅好學問年十九補三氏學諸生家苦貧以舌耕自給所居去二邑殊遠又寡騎從然朔望必詣學春秋祭必詣廟無闕焉往來道中輒嘿誦其所業以爲常嘉靖末舉歲

薦歷深唐河間三學博士世之爲博士者第不苛責弟子儀以爲賢矣先生非直不責弟子儀且察其貧不能婚喪者賙恤之貧而肄業于學者飲食之以故大得士心當道之獎者檄相接也有生久不至學先生怒召之至則自述艱苦狀先生惻然不問旣去殊念之使役負米賙焉然生雖貧實不至是特以詭辭冀免責耳負米者且行且愠曰秀才無纖毫禮獻師釋焉已幸乃復濟之使我勞苦言之不已適當道調事者在側聞而問之負米者具以告其人大驚卽達于上皆歎息之而又證

曰考歲語皆賢于是薦諸朝遷保寧推官矣先生論唐縣有首貢生得罪于令欲陷之索生狀甚急先生持不進令不得已躬詣先生以情告先生曰是人實無罪忍阿明府意害善類乎令沮而去遂不復索生事獨陰恨先生爲誣語聞上或告先生先生慨然曰吾非惜官者與人逐我寧先去卽治裝行諸生泣留不可卽令亦陽留之先生去益決將發而新保定守信至先生視之乃鄒舊令章公時鸞故與已善者也諸生聞之留益切先生亦以違章公久冀一見而行乃稍弛期故事太

守初至郡博士不得輒見令聞先生將往見郡守固已疑之及既謁章公喜甚遍問鄒諸舊游引入內宅叙生平權曰公何得罪于令令乃害公蓋令中府時署篆者不敢發而以達新守耳先生謝不對章曰吾知公賢者且鸞在此公何憂先生乃止自是令事先生益虔卒以遷去諸生成嘖嘖嘆之以爲有天幸也先生旣晉推官愈自淬勵悉拒諸請托不納讞決必于理法以其暇修學較刻亞聖石像斷機圖三遷志及老蘇批點孟子以風士居數年政聲流通巴蜀所部有在選曹者謂先生曰

公但捐百金僕爲幹置內遷可得也先生謝而辭之久之其人復遺書以爲言先生笑曰吾昔與唐令抗決意歸田賴章公故至此豈非命哉夫吾他日之遷內與外亦有命焉乃以賄求乎卽得之何顏入祖廟也力謝不從待其使甚薄無何遂得鞏昌通判分署洮州洮州居邊境殊尊重有常例銀甚厚先生革去之或曰不懼後至者怨乎先生曰吾知義而已暇他慮也又數與太守爭事太守滋不悅視事二歲曰可歸矣卽致仕去將歸時有丁指揮者坐事且奪爵當道付先生鞠之丁懼因先

生內戚願獻千金爲治裝資內戚乘間言之先生大怒且究其致語者然竟全丁爵不深罪也至藏吏以盜金敗先生致之法徵其贓旣致仕猶未竟先生曰代者至若難生全矣爲自出貲補之其清而不苛皆此類也旣致仕家居十餘年間故所教育諸弟子多貴顯或至藩臬每一過鄒必詢先生起居親造堂下執弟子禮依依不忍去後先生卒有至鄒者知其事則又皆詣墓拜奠與先生子孫叙世好如昔時里中人轉相告以爲美談云周希孔曰往先生教授河間余父泗溪君以事過之館

一茂才家詰朝亟行僅寄聲而已或疑其簿先君曰壇峰廉而厚余過之必饗我且贖我不欲煩之也其相重如此夫以聖賢之後爲善其勢甚便得名又最尊然悠悠自廢者衆也如先生之卓然自振可不謂賢哉且世所爲屈已以徇者恐失官耳然以阿諛去職者不乏也方先生庶弟子時自分去官豈復計遷擢哉乃終陟郡倅則利害又何可定也然先生平日又最和易無圭角似憤憤者至臨事則剛正如此將柱下所謂慈故能勇者耶余高先生之誼故著其事以自鑒且以示孟族之孫

子將共勉焉

題壁

元御史趙文昂

至元二十一年冬十月望日
關里至鄒偕孟氏五
十代孫德昌拜鄒國公墓
日又拜祠下三復公
之言曰我非堯舜之道不
取以陳于王前肅然而
退瞻望神光如有生氣

明御史林榮 番禺

成化癸巳孟春穀旦予巡
歷至鄒邑明日祇謁先
師鄒國亞聖公像設有儼
神靈如在起敬起畏既
而嘆曰當七國爭雄之秋
邪說誣民聖學湮晦不

有先師者出力救而扶持之孔子之道將墜于地
矣然則先師之有功于聖門豈可涯涘也哉其配
享素王廟食鄒繹人心敬仰而思慕之歷千萬祀
如一日者良有以也

遷志卷五上終

三遷志卷五中

同里學

潘榛編次

周希孔參考

曲阜

孔尚暹

孔尚贊

重訂

裔孫

孟弘

孟聞

較閱

呂兆祥

重修

呂逢時

題詠

頌德惟贊言志則詩撫編寄感覩貌興思作非
無益情見乎辭爰蒐爰輯尚俟來茲述題詠第

贊

宋神宗御製

一書作理宗
今從家譜

道術分裂諸子為書既極而合是生真儒詆訶楊
墨皇極是扶較功學德三聖之徒

明廣信村

孟

鄒有亞聖緒承文宣蒙教三徙著書七篇列國兵
爭從衡迭用不有君子邪淫益縱天啓秋淑養氣
知言絕利格非弘本達源黜彼伯功正此王轍道
著日星義凜冰雪若蝕載明猶水之晶砥柱特巖

鉅鏞孤鳴胚臍東嶧凌厲西華惟賢斯卓在聖
亞形逝神存昭茲九闈爰瞻爰仰千古同歸

安陽集

昔周公之衰仲尼已矣戰國相圖惟利之喜諸子
紛紛棄弊而起聖道之塞實生荆枳其誰闢之獨
我孟氏堯舜吾吭仁義吾嚙芟楊剪墨路平如砥
驅彼後覺一趨聖軌惟先文公盛道其美醇而醇
者孟子而止欲觀聖人必自孟始較其大功蓋禹
之比嗚呼道孰可擬孔子之後一人而已

廬陵陳鳳梧

哲人既萎亞聖斯作距淫闢邪正論諤諤堯舜之
性仁義之學烈日秋霜泰山喬嶽

平定白 鎰

巍巍乎其廟貌之峻巖嚴乎其氣象之尊鑿鑿乎
仁義七篇之論卓卓乎祀承三聖之門噫斯人也
先儒謂功不在禹下愚以為萬世永賴老天地而
常存也歟

鄒縣郅幼學 孟廟落成

鳧嶧之陰坤靈孕秀爰一吼亞聖光前絕後亞聖為
誰粵惟孟氏道統傳心一接洙泗揚墨塞途大道

榛蕪儀行縱橫聖教不行不有哲人生民聾盲鄒
實有廟祀享惟豐祀享之豐崇德報功巍一棖楠
燬于兵火日薦日祀禮弗或展繁被孝孫孝孫思
諒新廟是作遐邇瞻仰牲幣載陳籩豆簠簋聖道
昭明天地終始

銘

鄒國廟承聖門者知縣事昆山王璧所作也廟
徒在宋元季燬于兵

鄒縣鄒幼學有序

國朝平一崇尚明教前令桂孟旣作廟洪武十一
年十月立是門而規制始稱之其辭曰

承聖之門將將翼翼由義之路居仁之宅於惟鄒
公功配神禹繼周紹孔爲世作矩知言養氣仁義
性善尊王黜伯子其好辯盛德孔彰廟食斯堂學
徒誦誦絃歌洋洋出入是門希賢希聖是則是倣

三遠志 卷五
夙夕虔敬繼今葺之勿崩勿騫凡百君子有考斯
文

四言

東海徐有貞有序

有貞 祇奉

帝制治水於東兗 茲惟二載修濬之功亦既告成
乃循山導泉周行泰岱山徂徠遂由曲阜至鄒嶧
祇謁先師鄒國亞聖公廟時孟氏王祀翰林院
五經博士希文二而山東藩叅陳雲鵬寔同謁焉
瞻拜之際巖巖氣象儼如生覩而親炙之也爰
賦泰嶧之篇以誌承學景仰之意云

巍巍泰岱厥有孔聖巖巖嶧山實生鄒孟維孟繼
孔爲我先師學繇於志訓才亞生知王迹旣熄麟經
絕筆術變申商道引亂揚墨人心陷溺甚于洪荒夫
子拯之功與禹侔一則曰仁一則曰義仁義之外
所不言利其黜者必以其尊者王一時之短萬世之
長伊予小子生後下禩學孟之學事禹之事事也
匪易勉斯成之學也未至進斯精之大君之命豈
敢怠違先師之訓知勿敢或忘河決旣治導山及鄒
載訪林廟來觀來遊以爰暨藩叅亦有雲孫敬將釋
棗蹟繁苾芬浩然之氣凜然如在尚畀予明傳心

千載

吳郡尤存

三聖不作世遠言湮衆泄泄兮上距孔子相去獲
麟百餘歲兮楊墨塞路惑衆誣民亂罔治兮儀衍
連合邪說紛紜人欲肆兮馳倏僞訛猶訛薰國
殄瘁兮有開必先山川出雲峙之至今哲人挺生
獨任斯文出其類兮泰山巖巖配禹超荀功業熾
兮命世亞聖醇乎其醇崇仁義兮紹堯繼舜道傳
其身賴不墜兮貴王賤伯拔本塞源拯極弊兮性
善微旨養氣知言理昭晰兮萬世作則淑我後昆

開言賾兮聖賢既沒名教實存宇宙利兮鳧繹奕奕
奕洙泗云云秀所萃兮墓木叢翳千古夕曛儼清
閔兮春秋歲事有存諸孫信不匱兮牲牲既絜或
炙或燔神既嗜兮清醑既載邈豆孔陳禮乃備兮
鍾磬琴瑟無相奪倫樂斯肄兮於穆厥靈來格明
禋保我嗣兮

五言古

崑山隱居

羣邪驚聲利夫子振微言論功卑伯圖述性
源遏欲心乃存服義氣斯全孤身峙喬嶽一喙
頽川我行古邾國宅里表三遷牛羊下秋坂因
山木篇

晉人王雲鳳

朝行渡泗水路出大賢邦大賢不可見幽廟古
蒼回首見泰山彷彿神昭彰桂花落千載餘草
有芳卓哉閩洛子導塞流乃長哀哉此誰氏失

而徬徨

陳 鎬

我行鄒滕路三見嶧山春
引首望喬木巖巖如有
神安能起千載聲歎聆斯人
幸哉接餘裔允矣瞻
清塵淹留過別館風吹紫
荆新師門有遺訓使我
涕沾巾

朱 禔

惟昔仲尼沒世道日已媮
楊墨乃塞路四海方橫
流儀秦肆奸欺強辯干諸
侯朝從復暮橫流毒遍
九州婉孌妾婦態媚誕弗
自羞不有聖賢作斯世

講惟公繼道統獨任蒼生憂
異端旣云闢於心知所求巖
巖泰山象凜凜水霜秋歷聘
過齊梁王議不見收王政與
經界定知公大猷知言復養
氣足見公所修狂瀾回砥柱
絕學師孔周坐令戰間治與
義軒侔我來一司考牧東土
及魯鄒於焉拜公像蘋藻思
旅酬式瞻儼如在正氣克宸
旒

永嘉葉 聰

行行出城南幽勝紛感觸
三遷已無人空堂枕城
足掌前玉樹長堂北萱草
綠悠悠思子孟軻母德溫
如玉機絲雖已斷道統於
焉續誰爲阿母慈戚戚

恩意篤偏愛不知勞乳食生鳩毒所以古敬姜荒
淫戒文歎歎乎亦何為終成敬姜哭何如斷機娘
慇懃發良勗遺子命世才高攀孔顏躅異教歸掃
除遺風洒未俗我生千載後舉頸遙相矚登堂三
嘆餘狂歌寫心曲

汝南胡 楨

古鄒嶧降神先孟鍾靈盛早領訓三遷卒能成亞
聖七篇著述醇百代知宗正繼往復開來素王功
與並

青霞沈 鍊

孟軻本吾師輔世游齊梁談辭霏玉屑曠劫仁義
場一言已有餘千言猶未央借問此何為揚墨克
四方邪說塞皇猷設行成梯航禽獸食人肉世道
兩以喪君子心不忍齒古流否臧為道立赤幟昭
灼日月光是非以析然邪偽安所藏多言鬼所嫉
無言安能詳

鍊在嘉靖中忠直冠一時此乃其詠懷之一也以辭皆推尊孟子故采焉

漢陽戴 金

孔鐸微沉響斯文晦復草粹淑先鍾母英資始發
祥四端啓心鑰吾徒正氣揚麟經續絕筆七篇立
巨防片言百世師吃緊處更詳每於清夜時參神

夫子旁果然百感寂王翁時歛藏善念自茲克如
穀之有房繼之以集義勿助與勿忘循循日復日
卽此是梯航當時豈無遇功荼劣齊梁漢宋迄今
時諸儒宗派長沂流接洙水提挈先有綱尊崇與
善學孳孳真孔堂功不在禹下列宿同耿光

柳陽李 禔

亞聖堪輿秀規模邁等倫高軒環鄒國傾蓋著絲
綸仁義驅千古知行妙兩輪儀秦時結駟唇吻博
重茵正學憑輿衛虛車久老荀百王隣迹熄一理
認途真洙泗遺蹟轍山溪精報雲指南非獨步

禹竟誰人詭遇公獲遷居道已聞心爲垂德範
末路仰香塵折却和生前厄騰光俎落神載輸身世
遠輪奐寢堂新相心像術頰倚鳴鸞式有輶執鞭嗟
罔及濡軌濟無相

海寧徐 燭

炎炎夏日長驅甫千古鄒邑低謁亞聖祠齋心兢惕
惕殿閣聳巍峩昔下樹生顏色卓哉大丈夫萬仞何
壁立浩然天地間俯仰氣克塞霸業小桓文邪說
距楊墨墻間富貴兒妾婦縱橫客壘壘稱三王諄
諄談四德夢想追心唐虞淵源紹精一聞道躋孔門

論功俾禹蹟七世卅千萬言昭揭如星日緬惟岳降
神攀龍附鳳翼五色乘雲車行行止於嶧誕生豈
獨然上天寶所錫幼孤舍市廛聞見移俗習嬉戲
從賈術母心長惻惻三遷依學宮一刀斷機績蒙
養端聖功樞趨訓彌敷遂沂洙泗流私淑探遺澤
勿助仍勿忘深造以期自得玉振曼金聲升堂優入
室四十不動心亦以梁環轍迹信知命世才昌期逢
五百世無明王曲六誰爲伊與稷吾道旣終窮歸與
勤著述繼往開來小學後聖良不惑吁嗟阿母賢柔
嘉世維則教子登亞聖令名疇與匹姪似相後先

姜嫄同一脉褒封崇廟貌萬古同血食

河北李化龍

日遊孔氏林今登孟氏堂朱扉臨廣路檜栢參天
長再拜瞻遺容豈覺巖氣軒揚念昔戰國初多岐嘆
亾羊儀秦恣押閨楊墨鞅綱常聖途一以蕪誰障
百川狂夫子起意小周披雲覩天光一馳仁義談舉
世禁蝸蟾坐令歸功者比之堙懷襄繫茲有本源
言利謹其防直美良乃無害有欲自無剛念爾青衿
子日夕望宮墻豈云遠城南大道旁勉之在

及時申言著斯音

時督學山東
謁廟示諸生

穎川連標

嶧陽孕地靈遠胡王孤桐翠鄒曾曾觀風暑月乘驄
至廟貌何崔魏碑石文星緯萃樹有漢唐植案遺晉
魏器升堂虔薦苾苾申此景行志緬惟戰國時舉世
崇功利蘇張尚坤闔揚揚稱得意天生我夫子獨
立斯文懺抗禮諸侯庭闈蒙說仁義堯舜期其君
孔顏寤寐寐養氣不與知言能挾千古秘慚余寡昧
資泰山時仰企上七篇佩髻年皓首無敢易丈夫在
所爲巍巍何足視况通塞範馳驅詭遇取爲累願學
遵遺矩源流宗洙泗

青陽王一楨

獲麟止東國自有字符西國大道黯長夜豈辯儒與
墨依稀顏母丁山孟母居其側子輿幼亦孔俎豆戲
何飭源泉孤及洙泗千秋飲其德擁楹昔有嘆五鼎
方廟食在禮母從子徵詩閱有血欽風庶夙夜矧
余蒞茲職白口知非製錦遠愧機中織處世或圓鑿
幸勉縱橫福也藹藹宮墻深叟叟松柏直見知豈無
有丹青古維則

新安畢懋康

岱宗紆修幅萬洙泗揚層瀾清和雖云絕夷惠非所

安剛大塞天地善養吾浩然結駟魯宋郊抗軌梁
齊間功名里管晏終華末俗遷傳宗宣尼後尚友
黃虞前幾希平日氣提醒夢覺關說淫息二氏妙
願照羣篇於文尊殊代嘉藻薦歲年灌林鬱庭階
綺殿煥朱丹噓風傳清響暝日映中天拜瞻動仰
止援翰咏蕙蘭

山陰劉 塙

母聖成賢子子賢成聖母道器即天授亦藉人工
爾勇志勤二一遷芳名則萬古傷哉遺石像長跽思
塵忙拜罷西風慘淚濕山之塙爰思吾母心良工
亦獨苦殷勤道姓名門塙幸勿吐敢負此生身修
途當自努

郊人許國康

昔我望宮墻一片松杉黑入門一長跽圍視心惻
惻卅青被垢塗棟桷銷其刻繚垣通周道瓦墜不
敢即悲來獨屏營浩歎夫子側棖題已如此奚取
方丈食嗟彼讀書者綰綸賢者域豈無泥沙用而
於聖賢嗇卓哉孔道輔此日焉再得重遊逾幾時
頓覺不相識廟貌鬱光彩冕藻生顏色豁然快我
心俯仰情難極鴻功不日成就謂易爲力有嘉君

子人經營寔孔亟若無賢聖思誰督而誰偏我欲
識其人都歸令尹德令尹復爲誰胡氏世文墨也
里自何方遙指西南國因鄒令胡公繼先重
新孟廟賦以志喜
嶧岫何嶙峋扶地雲根起蓬勃無所歸結爲孟夫
子善養便浩然瀰漫古天地往吟三皇前後孕茂
底止意自戰國時包含直到此卽看眼中人恃以
爲生歟亦惟慎所養要在堅踵趾

橋李屠中孚

七言古詩

東浙孫應奎

仲尼不作生夫子統承先聖憂盲否發明仁義擴
齊梁開陳王道見經紀于時朱翟漫塞途杞柳猖
狂復湍水力排峻決窮其歸揭言性善明宗旨孩
提愛敬本知能知能天有仁義已克此浩氣塞天
地達此明良追喜起發端用力在毫釐不爲不欲
心焉耳吾道自此行江河訖淫邪遁斯風靡大功
信不在禹下乾坤位列有雙峙如何易簡復蓁蕪
後生誦說徒孔氏詞章技術齊墦間昏夜哀憐同

夢死我生千載幸有依良知聖學如掌指却驚請
事三十年猶疑江漢無涯涘心生忽情助與忘末
由動靜歸於指隙駒恨莫揮曾戈志尹空懷匹夫
耻問俗驅車闕里來肅瞻遺像咨芳軌徘徊松檜
百年心天籟悠悠如命已章丑猶能記七篇斯文
後此當誰似

山陰張元冲

弱齡捧遺編孩提感懿迪中歲稟師承良知啓昭
晰倬哉仁義配禹功排決周流猶已溺疇云好辯
託空言試跡收汗探往曆粵自春秋道術岐雄爭

戰國咸躋危人知坑掃窮秦烈泝流橫議久淫詖
嗟哉人心是是非非有恒彛天綱地軸賴以維有
不忍有不爲四端萬善何克彌彼紛支離騁胸臆
功利糠粃昧四極更遠區流眩紫朱卽有拔毛摩
頂相纏墨執中折淆說彌近杞柳湍流轉沉匿千
壑萬徑總由邪生心害政皇途塞民生塗炭典籍
灰天地狂瀾至秦極嘗觀禹貢導水肇兖州龍門
砥柱俱順流衆瀆朝宗歸瀚壑地平天成萬世休
不然隄防壅注殫巧力恰與汎逆增墊遊嗟乎五
行三才惟此性率性兢兢自往聖天德王道統幾

三選志 卷五
徽古今否泰緣斯柄必有事焉戒助忘行所無事
迺定命三聖相承統緒存畏天悲人宜諄諄我生
趨向幸有門擴克集義愧未敢征途肅拜儼有尊
嶧山迢迢水源源

臨川師 機

晨發滕陽遵鳧繹縲余馬兮謁孟祠孟祠奕奕臨
周道并幹瓊宮何陸離春光淡蕩照靈宇香烟縹
緲駐遊絲層軒三階縈紆入檜栢交柯鳴鶴鷗古
來萬乘名磨滅夫子聲稱千古垂光施令母同昭
揭賜爵上公配先師昔何柄鑿今崇信理義同然

其我欺繽紛遊子共瞻式巖巖山立觀英姿夫子
精神今安在遨遊泰嶽乘雲霓吁嗟東魯區區國
何爲聖賢萃于茲我欲結廬種龜陰松楸繫念世
緣羈東望闕里不遑謁頓步躊躇有所思

晉陵沈應奎

七雄世局幾更變周孔精神垂一線談家門戶正
高張倒峽懸河舌爲戰嶧山鍾靈孟夫子獨對宮
墻親如面原本仁義萬仞壁浮陰蕩盡朝暉昇齊
梁那識是聖儒伊周事業歸虛電區區滕文畫井
地出鬻聊成田家饌惟公之後名世邈先師當年

三選志 卷五
車轍倦鄒魯文明麗日星嶧峰泰岱千秋奠微乎
微乎七篇指長夜喚醒人性善

五言律

豫章費 案

數仞宮墻地三遷俎豆風弘才真亞聖上爵稱元
功門對千山雪壇深百尺松辦香斜日外企敬自
兒童

蒲陽鄭 芸

傳心宗孔聖得統列顏曾衛道功齊禹經田法在
滕古松摩漢斗世澤衍雲仍太岳儼遺像廟堂幸
陟登

永豐郭汝霖

鄒邑孟夫子學問何淵源夙受三遷教直承一貫
傳聞邪故疊疊憂世每拳拳炎日并祠下風霜仍
凜然

魯藩樂陵裕穆王

垂路古槐陰崑崑孟廟深齊梁慨雄辯伏謁想遺
音文木高千尺宮墻出十尋斯文遇傾蓋披豁散

幽襟

王謁孟廟遇傅士野亭感賦

瑞陽熊相

古邑溪湖下嶧嶸如筆奇神靈生亞聖道統繼宣
尼慈母三遷教斯文百世師家聲振賢胤餘澤尚

淮

永嘉張純

正氣闢乾坤挽回吾道存藐視六卿貴獨當萬乘
尊禽蟲喧白晝風雨自黃昏瞻拜巖巖下齋心奉
格言

稽山毛一言

絕學承先聖遺言啓後生極文元異道鄒魯却齊
名萬世開新廟層巒壯古城巖巖瞻氣象敬仰有
餘情

北地李楨三首

德業同天地七篇正朗然孔顏得以續堯舜亦常
綿決穀設科永刀機善養先巖巖遙望處黽勉在
真傳

學術紛紛起乾坤霧霧遮多方闢異徑獨立此中
華牛易與王事鷄鳴入聖家存仁集義語萬古見
亨嘉

儀象千年後依然只此心嶧山極目處泗水可長
吟神禹功非古仲尼道自今惟哉韓氏子數語重
儒林

涇陽許守恩

人心正獨閑聖道多宣尼真可亞神禹未能
過功名卑管晏仁義沛江河戰國若無子今日更
如何

勾吳錢達道

私淑承宣父哀然萬乘師氣將天地塞望與斗山
馳勳業追名世文章任口允知停直瞻廟貌慰我升
年思

廣陵戴思恭

列國兵爭日羣言惑亂時不生鄒亞聖誰繼魯宣
尼後世得聞道當年賴口允知維桑瞻廟貌轉切巖

巖思

錦川章 縫

母教三遷後道歸亞聖公正心息橫議言性醒羣
蒙功可禹王匹學非諸子同泰山氣象在萬古仰
遺風

山陰劉 埒

朦朧驅曉騎森肅禮先賢大道廓如路微言力與
宣乾坤遺偉擔風月望誰肩願學生平久差池又
一年

莆中姚鼎梅

子輿昔云聖廟貌妥宜塵瓦少爭書案饑臆據錦
茵自然吾道在頓使講堂新萬樹秋森翠行人只

道春

因鄒令胡公重修孟廟感賦

清苑高 鑄

道亡向千載繼統仰前賢王霸尊抑大危微人道
全嶧山近登峙泗水遠迴環瞻拜逢秋暮一清東
魯天

新安王之徵

何分今與昔斯道自無窮經紀人心後權衡治亂
中幾希聯聖脉性善立宗風浩氣猶充塞乾坤不

廣陵茅大方

大理丞廬陵彭與民
古承制來撫齊魯兵民道勝過

敬賦一詩以志瞻依之意云

按此詩石

為人鏡去余以史考之而知為建文

二年庚辰以右拾遺朱逢吉為會

試官遜國臣記彭與明萬安人建文中

而稱洪武孟廟祀南北之衢當事者有

而鏡去其年號耳今建文二字畫未猶

也然石刻稱廣陵而本傳乃曰大興

會學博戴君乃泰興人因問之戴且為言大方

邑中人建文未闔族百口皆卒于難於是坊刻
之誤昭然矣至方之為芳彭與民之為彭與明
亦以音同故致訛耳即撫齊魯一行史亦不載
蓋易也之後好義之士搜之傳聞之餘者自多
也因表而出之

城東有舊祠冕旒遺像儼容儀母賢昔著三

教千聖今為百世師故里尚瞻羞俎豆新碑還

斷幾絲焚香拜手登車去千古無忘義利辭

河東薛瑄有序

述年有表

河東薛瑄有序山東學校因得連謁鄒國亞聖公祠近日

南宮大理道經鄒縣謹書律詩一首于祠壁以

寓景仰之意云爾時景泰三年正月八日

鄒國叢祠古道邊滿林松柏帶蒼烟遠同闕里千

年祀近接宣尼百世傳獨引唐虞談性善力排楊

墨絕狂言功成不讓湮洪水萬古人思命世賢

廣信桂孟

七篇述作振儒宗紹聖恢弘蓋代雄楊墨已歸王

道正齊梁未悟霸圖空書藏老屋蒼苔雨廟枕荒

郊古木風藻薦一杯澆斷礎擬將微力效前功是

廟傾毀桂公有修復之志故其辭云爾

姑蘇吳 能有流

予嘗讀亞聖書今筮仕得至里而孟氏林廟皆
在其境朔望釋菜良祀于祠下顧瞻聖賢之容
豈非幸哉然鄒之民往往被其德化淳厚少訟
交獲見亞聖五十四代嫡孫思諒儼然有昔人
之氣蓋代不乏人能世其家者也予始至自京
師奉命先謁廟具一獻之禮恐日久泯忘謹
書以記歲月云爾

林太... 歸然金石勳封印

離滿墓田今日丹青重繪畫邑人猶說子孫賢

樂安楊 貢

喬木參天繞古祠曉從階下拜先師泰山北斗瞻
依處烈日秋霜辨論時仁義七篇蒙啓迪綱常萬
世賴扶持乘驄有幸來鄒邑遠想儀形不忍離

三衢徐 毅

素王既沒已多年繼統當時屬大賢仁義功勳垂
七國詩書世澤賴三遷斯文不墜泉歸峽聖道重
明日麗天廟食而今千古祀綿綿瓜瓞見曾玄天教
願中僉事過孟廟偶
成示贈博士孟先生

建安黃仲芳

邾城南面嶧山岑亞聖遺祠振古今王道系陳功
濟世機絲初斷母勞心雲飛盡棟開金碧樹繞門
墻帶夕陰冠冕堂堂嚴祀典清風百世播徽音

鈞陽馬文升

天生亞聖末周時祇爲人心久陷之道統百年茲
繼續綱常千古賴扶持內仁外義言何切闢墨排
楊論更奇兩度經過拜祠下仰瞻儀象慰遐思

鉅鹿耿裕二首

風采當時儼泰山至今凜凜邈難攀高名騰溢堪

輿外浩氣冲凌斗漢間千古論功同禹稷萬方醜
享次曾顏遺經諄切明仁義聖道昭昭總賴閑
地隣闕里水宗沂秀毓真儒萬古輝集義早承三
聖統闢邪深距二家非侵雲祠宇人爭仰避日松
楸烏退飛功烈允宜神禹並昌黎篤論莫能違

新安程敏政有序

景泰丙子春正七日隨嚴君之官西蜀時甫十
一歲平日嘗聆父師推講亞聖開來繼往之功
今經謁祠林拜瞻遺像不勝起敬遂謾成一律
用展緬懷之私

緬仰儀容倍慕深巖巖氣象重南金養成慈母三
遷訓力正生民萬代心仁義擴克開閉塞波瀾頓
挽起湮沉謾追往日雄辭辯盛流法古今

吳郡顧潛二首

城南松柏翠參差崛起門墻亞聖祠靈秀尚爲山
水在大名長共日星垂分明千載生賢地辛苦三
遷教子時道德祇今難浪述且循墻下讀窰碑
七篇高論述先王千古推尊道愈光祠宇一新逢
聖代輟車三宿重公鄉雲仍不斷衣冠澤鳧繹猶
含草木香幸自髫年漱芳潤載瞻儀像莫椒漿

泰和羅璜

夫子精神對越前平生景仰在真傳功承三聖言
皆正王勸諸君事有權大道已無榛棘塞遺書終
並日星懸升階再拜懷千古三復知言養氣篇

鷄澤杜璋

天生亞聖此邦中氣象巖巖論辯雄道學相傳堯
是祖異端力距禹同功當時王道雖空說後世斯
文自有宗萬代皇朝褒寵厚簪纓世世繼家風

闕里孔公璜

大賢天挺出人寰氣象巖巖擬泰山仁義高談吾

道重從衡不立霸圖開千年靈秀鍾鳧繹百代衣
冠亞孔顏快覩我 皇榮世翰編音飛下五雲間

新安汪 鉉

源源洙泗幾湮塞一脉流長賴濬通救世七篇一
義訓闢邪千載禹周功文章燁燁星河遠氣象巖
泰嶽崇瞻拜不勝歆慕處孫枝猶復有遺風

東塘毛伯溫

鄒祗謁孟夫子浩氣堂堂儼若生堯舜以來惟
道孔顏之後獨高名嶧山秀色凌層漢泗水清
流故城湖上高風漸後學雲松煙栢不勝情

江陰張 袞

自古英賢孟夫子浩然天地卽吾廬挈言學者操
存要不上侯王戰伐書廟貌風雲猶色笑墻陰檜
栢挺扶踈七篇配禹功非小三聖承傳道不虛

濠人張國紀

有天須有吾夫子無日堪無亞聖公一脉可容時
暫息百川永賴障之東堂高數仞原并志廟享千
年合食功屹屹碑前留使節巖巖階下仰遺風

滁上胡 松

我行祗役歲侵尋覽眺遙看豐樹林大石巖巖貪

下拜寒泉混混儼如臨游談偶類儀秦辯拯救直
向竊稷心俛仰遲迴重延佇自傷食粟一長吟

恭城周昌齡

翼翼覺祠沂水東巖巖氣象坐春風七篇仁義雲
霄上萬世經綸宇宙中論性養心傳道統分庭抗
體藐王公古今亞聖斯文主天下尊崇祭祀同

五河沈應乾

聖學分歧聞見荒百年私淑早升堂何爲命世經
綸手底事終身著述忙王道獨傳仁義訣霸圖空
逐戰爭亾巖巖氣象師千古夫子高風與嶧長

婺源汪舜民

異端擾擾杏壇空天命先師啓衆蒙仁義七篇承
訓誨廟庭一旦識儀容知言不是髡秦辯養氣原
非黜舍雉五尺兒童談性善至今千載果誰功

張蕙

絕學遺經賴有傳功高神禹祀綿綿百年封詔雲
星礎千古文章日麗天行徑林幽啼野鳥祭田蛙
滿灌春泉暴書臺下三遷地共說師嚴母更賢

吳江趙寬

輪奐巍巍切泰青入門瞻禮愜平生重崗雲霧凝

寒碧古木風霜帶晚晴道統真傳開後學斯文不
振仰皇明徘徊欲釋新成奠無奈星軺促遠行

南陵陳 効

斯文一綫託誰存夫子能開作聖門手著七篇皆
正論自承三聖豈空言堂堂廟貌光慈母奕奕書
香被遠孫齋沐謁誠祠下拜也傳糟糟沐餘恩

鄞人謝汝儀

時衰誠行梗長途大厦全憑一木扶吾道七篇昭
日月異端曲徑自榛蕪千年教淑應無盡三聖功
回信不迂莊誦遺編徒斗仰舊閣今始映瞻趨

古燕吳廷贊

功覆斯民系不孤雲仍猶自守寒爐帝王報德新
祠宇冠帶修禋雜道途家第舊頒博士爵閨門長
講斷機圖幾篇賤伯尊王論萬古君師作範模

吳廷翰

從遊不及三千列名世還期五百年齊國愛牛傷
赤子魯君回駕任蒼天兩間浩氣風雲塞萬古人
心日月懸瞻仰泰山增寤歎遡泗沂水識真傳

閩人鄭 威

斯飛廟貌氣如存此日相過得入門萬仞抗時真

壁立七篇示我總昌論風回馬首塵初淨嶧出雲
頭秀獨尊不盡瞻依千載意獨從魯泗直窮源

三河劉相

哲人夢奠幾何年會見仙源世澤延一卷中庸承
祖訓七篇仁義賴師傳鐸音嗣續家聲重洙水浸
淫道派綿企仰高風祠下拜遺容寂寞草凄然

東阿于慎行

邾城舊里記三遷廟貌弘開大道這行地江河疏
聖派談天爽衍閉言筮全洙流影借金鋪日嶧嶂雲
蓋棟燼北聖孔林二九只尺千年海嶽有真傳

延陵王堯封

重刊

每來展謁綺城邊檜柏森森賡紫烟並俎孔顏干
禩典中天仁義七篇傳羞捐幼學從時好矢放淫
辭衛聖言二氏狂瀾今更沸憑誰砥柱繼先賢

錫山龔魁

先賢廟貌鄒城外此日經過幸及門東向岱宗瞻
氣象南來洙泗識淵源千年俎豆盈寰宇百代衣
冠重故園老我無聞徒誦法徘徊庭下復何言

閩漳戴燦

兩楹夢後道如綫仁義高談著作年命世七篇優

聖域鴻儒千載有真傳
瀾狂不自能東下路塞于
今已廓然浩氣獨存遺廟肅
泰山萬仞水涓涓

黎陽王在晉

霸圖爭事說縱橫
絕學登壇獨主盟
七聖尚延洙泗脉
百年重振泰山傾
功名管晏資談笑
仁義齊梁勝甲兵
浩氣獨餘蒼栢在
日星燦燦六經明

閩人董應舉 三首

日射朱門帶雪光
蒼蒼庭樹儼成行
微言幸已窺千載
浩氣依然見一堂
山色遠從東岱至
洙流直瀉九河長
孰知萬古趨蹌地
辛苦三遷不可忘

道窮麟泣岱山無光
問氣猶鐘古嶧陽
二氏橫流非獨切
諸侯傳食意何長
直將真性齊堯舜
不數功勳到霸王
我亦有心生異代
十年五度謁宮牆
戰國紛紛性失常
聖途榛塞世披猖
獨窺二字天人際
流出七篇江漢長
行乞也能辭嗔蹴
孩提直可見陶唐
吁嗟千載言猶在
只把空王作素王

蜀人胡繼先 二首

垂髫夢裏識先賢
今日分符非偶然
氣象巖巖渾是舊
宮墻落落未仍前
蕪蔓殘壁盈朝露
楸挺荒階駐晚蟬
悲愴幾迴恢復志
強圖營繕卅三遷

孟氏祠堂久不除半天陰雨綠苔餘雙鳧遠挾寒
雲密大嶧孤鶩紫氣噓井地當時成畫餅義仁至
此直遽廬堪憐楊墨無雄辯肯使招提侈廣居

魯藩願塚

紛紛戰國憶當時楊墨縱橫誰辨疑不是七篇延
聖緒那能百世作王師雲團老檜前朝幹苔繡殘
碑異代辭拜罷巖巖嶧在石至今猶自想容儀

海鹽姚士奔

于孟廟古檜

鄆縣城邊雲葉垂二千年長青蕭瑟歲寒凋後嶺
無樹梁木歌殘只此杜松凌空倒掛日月古得養不

受風霜私人生亦自有根蒂莫便視為蒲柳姿

海鹽呂兆祥

剛大寧教向外尋一腔中蘊最精深當時祇謂塞
天地到此更知含古今心叅不動靜白日檜覺耐
老高青森後來正氣聞尤勁忠血方為詔所欽

曹縣王士龍

義訓常從泗岱畱壘青滔綠瑞光浮地靈百載軻
承伋人傑千年魯竝鄒我向七篇醒道義誰憐三
宿夢伊周穩知聖主修封祀一體烹牛薦玉甌

德化賴 垓

儼然遺像邑鄒南景慕先賢急駐驂化雨長存蒼
栢老聞風偏苦白蓮煥山巖入望澄秋色篆古鐫
烟雜晚嵐萬古薪傳廟貌在堂楹興廢幾能堪

平湖呂本南

巖巖遺像儼當時門下千年有退之道管人心終
不滅力排異說敢爭持山靈遠護宮塔舊夜氣清
涵草對奇文緒茫茫誰復繼後生仰止不勝思

邑人潘榛

古廟陰森栢檜煩衣冠歲歲薦蘋蘩人間留得真
心學天下何須嘆手援三聖以來承正道七篇之

斯文久慮絕真傳心法何期託舊編長卷細尋風
教處儼然日月麗中天

五言絕句

金

真定趙鼎

戰國縱橫際姬周
喪亂餘聖經
渾掃地為著七篇書

明

海鹽呂元善 四首

孟母池

雲日注澄波
還餘舊光景
青絲到白髮
宜獻當時影

石像

聖蹟寫丰容古人坐如此迴想二千年真見孟夫

暴書臺

當年古臺上卽此堯天日不知向何處曬到二三

策

古檜

龍勢拏攫雄鬣欲飛揚自證牛山羨無煩擬棟

梁

呂元美 二首

孟母故宅

馬鞍及榆次兩地訝爭傳端爲能慈教教稱天下
先

孟子故宅

有言塞天地穹然籠太虛何必尋門闕千秋足廣
居

呂 濬 四首

孟母墓

風木靜無語教尚有深思剪刀生作草時時向兔
絲

孟子墓

嶧山青發脉到此是真龍應知浩然氣馬鬣不能封

萬章墓

尚以萬名村風賡鳥成韵小坐蔭白楊如聞說堯舜

公孫丑墓

自齊來葬魯草木古如今意必忘生歿曾聞不動

心

七言絕句

宋

臨川王安石

沉魄浮魂不可招遺編一讀想風標何妨舉世嫌迂闊故有斯人慰寂寥

金

真定趙鼎

鼎有序

大定二十八年十二月七日馳驛過鄒敬謁

先師鄒國公祠傷其蕪穢殊甚故作此詩

老誕佛夷惑後來諸方弘構切雲開先師立教尊

三選志 卷五
姬孔其土一祠猶草萊

明

羅玉

辭嚴義正七篇存氣象巖巖泰華
尊列國有君能
定一免教夫子費多論

海寧徐炳

檜栢煙雲拂漢蒼嶧見瑞靄
宮牆巖巖遺像如

親炙浩氣爭明日月光

西蜀甘華

尼山南赴嶧山垂光岳名
實應期無孔豈仍居

東子衰周元自失賓師

德清許孚遠 六首

匹夫百代作人師廟貌千秋配
尼當日紛紛儀

衍輩只今誰與論雄雌

尊王賤伯匪囂囂誠偽機關不可
淆救得人心平

古在勳名直與泰山高

縱橫押闔勢薰天獨學宜尼意貌
公納約侯王甘

不遇祗昭仁義在遺編

浩氣原從集義生勿忘忽助見真精
假非道脉符

先聖安得空言覺後英

但知性善爲堯舜肯用權謀雜管商斯道若明如
晝日世風何慮不陶唐

孔孟由來只此人如何靈爽至今存吾儕願學誰
無志好向青春細討論

吳郡韓世能 四首

巖巖鄒望嶧山青亞聖天開此毓靈拱揖尼丘承
道脉慤慤母訓又家庭

母教三遷成大賢機絲斷處聖功全浩然克塞甲
卿相宇宙光華在七篇

列國兵爭那有君還陳堯舜與湯文當年反手成

玉榮未必明禋萬古芬

正學須知蒙養先天生亞聖亦三遷恩勤誰氏無
慈訓仰止前修爲惘然

豐城徐卽登 二首

自昔巖巖仰泰山祇看仁義斧斤間我來親見鄒
夫子粹盎依然似孔顏 戊子謁孟廟

平生仰止在高山舜蹠孳孳利善間四十未能心

不動拜瞻祠下亦何顏 壬辰重謁孟廟感歲時

次前韻賦此以自勗云

海寧徐炳 謁孟林二首

今古堪輿第二山海東夜夜鶴飛還唐陵漢寢無
金盃元氣分明貫兩間

鍾靈岱嶽接尼丘一氣南來兩地浮鄒魯相望剛
百里問年都說自西周

山陰劉 培

一念粗豪企大賢巖巖未是泰山巔而今一立平
坡上氣息都無始浩然

當湖呂 濟

氣象巍巍並碧天掃除楊墨說當年欲知剛大塞
天地賤霸等王著七篇

孟母祠

贊

晉

左九嬪

鄒母善導三徙成教鄰止庠序俎豆是效斷織激
子廣以墳奧聰遠知禮敷述聖道

明

姑蘇吳 能題斷機圖

傳稱三遷之教久矣今觀是圖益信其母之賢也
蓋子非母不能成如是之學母非子不能顯如是

之名子之聖由母而成母之賢由子而著此七篇之書所以繼往聖而開來學者實由母之一喻啓之也豈後日之伏劍剪髮者可以同日而語耶

延平鄧原忠

古有胎教實謹厥初生焉而長學可緩歟學也者師古訓是式日就月將允有令德懿惟孟母克教厥子始而三遷慎厥攸止賢哉子與孔孫是師師訓惟謹母言敢違母也惟賢斷機以喻中途輟學曰猶此故斷機難緒輟學曷成緝之熙之底于光明人誰無母克教者稀間或有焉訛喻以機父而

教子且有未全矧爲母者罕聞于世有母若孟厥子乃賢有子若孟母德著焉知言養氣亦克允蹈毅明性學治闡王道人心斯正楊墨斯闢三聖是承允矣宏緒著書七篇垂訓遠而不有賢母曷克若茲峩峩嶧山鍾靈發祥曰古邾國苗裔其昌斷機有碑曝書有臺肯構肯堂期爾後來我矢厥詞銘于堅石世爲母者是倣是則

詩

廣信桂 孟

斷機堂畔暴書臺古道經今半草萊試問碧梧霜

後月麗霄鳴鳳幾時來

張意

千載傳聞孟母賢三遷遺蹟古城邊
觀風何幸一瞻拜俎豆溪毛共礪泉

西蜀甘茹

恤緯燈殘風雨多斷機堂冷柰兒何
七篇織就天絲錦羞殺蘇家六國梭

海寧徐炳

教子辛勤斷織絲古來慈母却嚴師
孔門不絕如綫緒延續綿綿在此時

河北李化龍

三遷辛苦傍書堂始信慈母有義方
一斷機絲續聖緒丈夫空自說剛腸

婺源汪舜民
題孟母墓

古今相去二千年猶有佳城古道邊
若不三遷成子聖封高馬鬣也徒然

蜀人胡繼先
謁孟母祠

幾希道脉續唐虞千古猶傳母氏劬
斷盡機絲成亞聖子賢應有母應無

郟人許國康
斷機堂

孟氏文章萬古傳七篇高偈七襄懸君家欲覓天
孫巧試向辛勤機杼邊

大繹當門孟母家虛堂機杼自橫斜繹山疑是支
機石此日峰頭尚五華

永清李崑

當年不斷機絲織誰透斯文嗣續關子聖經綸還
可再母賢今古若爲班

海鹽呂兆祥

斷後方成四海衣清音千載響庭闈自憐孩幼拋
慈襖泣見窻前舊布機

子思書院

會稽章忱

曾慮斯文失正傳故將心法託遺編至今畱得經
行處夜夜虹光燭斗纏

鄞人謝汝儀

杏壇遺蹟總昭嘉底事編摩到水涯造物早爲斯
道慮默將統緒寄鄰家

吳郡韓世能

聖學傳心不在多韋編三絕又如何孫能念祖時
中脉揭出微言永太和

河北李化龍

四楹精舍對南山天下中庸在此間一自微言絕
孟氏至今誰復叩賢關

鄒縣周邦仕書院感懷

往嘉靖間余讀書精舍中凡十年是時諸堂新
構與諸同好講習甚樂也萬曆甲午間閒步臺
畔則傾毀且盡堂西新築池亭清爽可玩慨然
有懷聊占俚言用示兒子

數椽精舍倚南城傳是思與授受庭清夜月明羣
動寂疑聞堂上講論聲

十年臺北藏修日諸子堂中切磋時一自索居機
漸斷到今誰復理殘絲

聖學從來無兩宗七篇仁義一中庸莫將見解矜
虛悟好向倫常盡實功

臺東蕭艾芊芊茂臺右芙蓉灼灼榮却憶往年童
令尹只修精舍不修亭

樵李徐應徵有序

鄒令胡公創修子思書院落成喜賦五言二
十六韻頌之以紀其盛并志不朽云

昔賢茲授受後學仰宮墻云何會式微傾圮鞠草

荒彼哉唐漢間湮沒為民攘卓矣元司尹恢復僉
云良吁嗟復黍離兵侵釀滄桑長風號古木秦莽
趨蠅螻詎無司土者而不任宥堂物理終代謝否
塞斯春陽聖靈符夢孟感召西南方美人庸視篆
釋菜與徬徨亞聖廟聿新精舍仍茫茫斯夕勞競
惕諮度爰周詳捐措庀衆材子來不日襄俄然成
廣居吾道千載光景賢堂仰止慎獨軒允臧重門
時洞開宏麗敞軒昂灑灑亭池靜粲粲檜栢蒼鳶
魚契道機鳧釋供清觴多士便樂育私淑慊修藏
誦讀與絃歌禳香馨洋洋勵精媿往詰唐虞可梯

航爰思賢侯心卻顧虛 且長念茲舉廢典道脉之
存羊天意佑斯文德早 米發祥共瞻落成者慎勿
貌尋常願言勒貞珉倍 供詠其棠

海鹽呂兆祥

聖孫思肖聖人翁道工 其如塞太空忽下生平真
手段開開天地說中

暴書臺

西蜀甘 茹

鄒魯斯文此大觀暴書臺
迴日三竿仲尼去後秋
陽在無奈人心易十寒

海寧徐 炳

兩楹夢奠泰山頽
繼統還須命世才
皜皜秋陽千古在
至今長照暴書臺

吳郡韓世能

秋陽皜皜宮墻近
吾道中天萬古輝
勤慕賢孫弘
祖德幸哉私淑得歸依

西蜀胡繼先

七篇仁義恐成滔好事
標臺億畧時會得日章原
自聞鷄鳴那得十寒悲

邠人許國康

臺畔爭傳孟氏居
臺端曾暴七篇書也知五世秋
陽烈不復如今見蠹魚

樵李徐應徵 二首

暴書臺近斷機堂
子自昂賢毋義方
暴得七篇仁義在中天
麗日並爭光

山斷碣辨羸秦野燒
經殘蹟已陳
惟有此臺山

下在秋陽千古共
嶙峋

永清李 崑

邠國城邊百尺臺
碑傳孟氏暴書來
莫言世遠無靈異
時有文光燭上台

三遷志卷五中終

三遷志卷五下

同里後學

潘 捺編次

周希孔參考

曲阜

孔聞庸

顏伯華

重訂

喬孫

孟弘舉

孟開玉

較閱

海鹽

呂兆祥

呂逢時

重修

古蹟

人雖云歿物不俱往舊址可尋罔不瞻仰古木
殘碑荒城遺壤是載其所以資慨賞述古蹟第

孟子故宅在縣南門外東約數十步世傳三徙學宮傍也即今暴書臺下

暴書臺不詳所自元元貞間司居敬始表之高二

丈方三丈今在斷機堂東

暴書臺二字係楊桓篆

人元秘書少監精于篆法至元間邑令張銓摹刻石上今在

故鄒城在今縣東南二十五里嶧山之陽周迴三

十餘里左傳邾文公始遷于此至穆公改邾為鄒

故嶧山亦名鄒山蓋因國名秦漢縣治亦在焉

自杜預鄒道元劉蒼杜祐目同此說孟子居鄒

矣此鄒也後人訛呼為紀王城又以今治為古地誤矣

元制三碑其二在孟廟其一在子思書院內乃封

孟父母孟子子思子勅也皆以國師八思巴所製

蒙古字刻其上而下以楷書刻之蒙古字甚異以

中國書證之始可解楷書亦開爽

古檜三二在寢殿前一在殿後高數丈徑十餘圍

枝盤曲如龍蛇狀蓋宣和中朱令建是殿所植甚

有古意其餘檜栢楸槐之類為元及

國初所植者雖亦高大蒼然而不及此董其昌詩

云愛此孟祠樹森然見典刑沃根洙水潤含氣嶧
山靈閱世磨秦籀參天結魯青方知樗散壽只入
列仙經

石篆陳了翁格言曰事親以孝事君以忠爲吏以
廉立身以學下有跋字亦清勁在家廟院中洪武
間少尹鄧原忠所刻也

孟母故宅在馬鞍山之西卽孟子所生地也今名
付村

孟母池在故宅前大數畝水冬夏不涸

王嶧亭在孟母墓傍不詳何時所建元碑有之今

廢

亞聖寺在四基山南元紫陽楊奐嘗遊之今廢

三家塚在四基山南世傳卽孟孫叔孫季孫三家
塚也又傍古塚纍纍居人不記所自或三家之爲

正卿者并會葬于此云

以上俱
在鄒縣

孟子廟一在在平縣東北孟家庄相傳孟子遊齊
梁時嘗經此後人因立祠

孟館在在平縣治東世傳孟子遊齊梁館此

孟止亭在萊蕪縣孟子反齊止于羸羸萊蕪也

孟母廟在陽穀縣東北四十里世傳孟母祈蠶之

所

孟母故宅在山西太原府榆次縣本志云母并人也其地有三徙鄉

休城在滕縣西二十五里孟子去齊居休卽此地也

雪宮在青州府齊宣王館孟子卽此

平陸卽今之汶上縣

任卽今之濟寧州

故范城在壽張縣西二十里

一在范縣東南十里
里有碑刻孟子自齊

齊之

古滕國卽今之滕縣也縣西有滕城內有滕文公廟

故薛城在滕縣南四十里

莊嶽街在青州府

盡心堂在河南開封府廂曰孟子遊梁處

以上見一統志

及各府州縣志

雜誌

識大識小古訓有式于孟攸闕錄何不亟或古
或今或揚或抑是究是圖俱堪羽翼述雜誌第

二十一

班固藝文志陰陽家有孟子一篇不知卽此孟子
抑別爲一人不可考
漢穎陰劉陶嘗著匡老子反荀卿復孟軻等書不
知所言何事

漢章帝嘗以孟子賜黃香見東觀漢記

班志孟子十一篇通外書言耳或謂誤分七字爲

二非也應邵風俗通明言中外十一篇豈亦誤也
漢董仲舒論性不以孟子之說爲然見春秋繁露

第三十五篇

王克亦尊孟子者今論衡中往往以孔孟並稱如
偶會篇曰孔子稱命不怨伯寮孟子言天不尤臧
倉誠知時命當自然也對作篇曰孟子傷楊墨之
議大奪儒家之論引平直之說褒是抑非世人以
爲好辯孟子曰子豈好辯哉予不得已今吾不得
已也其持論如此乃有刺孟之作何也豈先儒所
謂數其事而責之者其善者多歟

唐李景儉字致用作孟子評

柳子厚與呂溫書論非國語書曰往致用

作孟子評有章詞者告子曰吾以致用書示路子
路子曰善則善矣然昔之爲書者豈若是撫前人
耶韋子賢斯言也余曰致用之志以明道也非以
據孟子蓋求諸而表乎世焉耳據柳此言亦疑孟
之流也

柳子厚與陳秀才書曰文以行爲本在先誠其中
其外者當先讀六經次論語孟子皆經言以論孟
並稱而又尊之爲經推尊孟子亦至矣

宋賈同有責荀文蓋責荀以推孟也

文繁不錄

孟子之文古人多宗之如柳子厚論爲文而曰參
之孟子以暢其支蘇明允終日兀坐取論語孟子

而讀之者七八年其于孟子則稱其語約而意盡
不爲巉刻斬絕之言而其鋒不可犯世所傳批點
孟子皆言文也自取士法立學者反習爲故常而
端好秦漢之文亦淺之乎視孟子矣
宋潛溪集載元吳萊謂孟子亞聖大才史遷不當
與鄒衍等同傳因刪去諸子益以萬章公孫丑之
徒作孟子弟子列傳二卷惜未見也
文獻通考言宋馮休一作馬休以孟子書時有叛逆經
者疑爲門人所附益遂刪去之且著書十七篇以
明其意不知所刪何語也

宋隱士种放有表孟子上下篇

宋史載杭州盧稹工文學酷嗜周易孟子又有高
弁者爲文章祖六經及孟子喜言仁義著帝則三
篇二子皆二程以前人也

司馬文正著疑孟十餘篇余於朱子集稍見之蓋
疑其書有過當者而辨正之耳非并其人詆排也
觀其解禪偈曰顏回其陋巷孟軻安自然富貴如
浮雲是名極樂國至注楊子則稱爲大賢居家雜
儀直以孟氏訓子敬慕槩可想矣門人晁說之乃
作詆孟一篇嘻其甚矣宜其見譏于衲子也

伏道使民可也。以生道殺民，君子蓋難言之。易曰：古之聰明睿智神武而不殺，季康子曰：如殺無道，以就有道，何如？孔子曰：子為政焉用殺？夫殺無道，就有道，先王之所不免也。孔子諱之，然則殺者，君子之所難言也。

自朱子以學庸語孟為四書，近遂無專注孟子者。然宋季元世猶問有之，蓋是時集註尚未大行耳。今史傳所載宋宗人趙善相、趙汝談，皆有孟子註。袁和叔之子甫亦有孟子勝勝國時須城李尚書昶，又取孟子新舊解相矛盾者參考歸一，附以已見為孟子權衡遺說五卷，然皆不復行至本朝則箋訓愈繁，然多為舉業，又皆合四書并述，不可縷

數矣。

金章宗為郡王時，喜讀春秋左氏傳，聞禮部員外郎移剌履博洽，召質所疑，履曰：左氏多權詐，駁而不純，尚書孟子皆聖賢純全之道，願留意焉。王嘉納之。

歷代褒恤孟氏，至元而厚。考史元世祖為太弟時，嘗召廉文正公，時公方讀孟子，聞召，即懷以進。太弟問何書，對曰：孟子。太弟問其說，遂以性善仁義保民致王之旨為太弟誦之。太弟大稱善，曰：公曰廉孟子，然則元代崇儒之風有自來矣。

孟廟無甚古碑宋史稱太宗時進士華州韓不嘗
作孟母碑世傳誦之今石與文俱成烏有惜夫

孟廟石刻多毀舊碑爲之如吳公能詩刻尚有磨
礱未盡者二十餘字筆法頗適勁祖圖碑亦有二
三字可識者嗟夫凡樹碑者冀垂不朽耳沒前人
之名以成已之名恐于心未必安也

孟廟壁間石刻其書法惟金赫旒題名大字元趙
文昌書壁間語及

明董其昌詠檜詩三刻爲知書者所賞趙語見祭
謁董詩見

古蹟赫旒字曰安陽赫旒按劾過此奠謁祠下明
昌辛亥十月二十有八日題鄉人夏昭德懋同來

本朝碑刻類假手書佐已西間鄒令胡繼先修廟
吳尚端集王右軍書爲碑稱佳刻焉

廟西廡南有一螭頭埋土中偶發視之其篆額文
曰

皇太子詹同過鄒祀孟子記考之吾學編諸書詹
同爲洪武中冢宰其太子當爲懿文太子而史
並不載過鄒事且皇太子君也詹同臣也豈容
並稱乎皆可疑也其碑今不知何在或曰瘞之東廡

南亦有一螭頭甚大篆
曰孟廟重建之記碑也
凡菜以人得名者如孝文韭諸葛菜之類皆有所

孫今書中有孟母菜不知其何自也

由鍾靈門而出爽塏平敞倚崗臨流山色蒼然與

檜栢映發先博士築別業于此壘土為山名花奇

石錯列如繡每良辰吉日邑人士游焉園外為果

圃茂密森蔚數十年並為田矣惟餘三栢二松蕭

疎獨秀且廟中無松而此乃有之亦足尚也

孟廟之西為博士第宗子世居之士人以廟在縣

南呼為南廟又因呼縣為北廳按博士宗天啓一

盡是時是學副使賀萬祥宛州知府孫朝肅倡義

各捐俸助建而四方樂助者雲集得恢復如故焉

嘉靖以前博士勢頗赫奕又前朝多為本縣知縣

王簿等官與縣尹為僚出入乘明肩輿大列儀

辟除行人拜縣尹帖不用治字肩輿直入縣

相沿久矣萬曆庚辰縣尹許守恩非之始改

帖送迎于縣大門外而明輿儀從猶故也按聖

鄉紳不同舊例博士之于縣令猶聖公之與撫也

俱不用治字而許守恩欲一旦易之何見之陋也

凡博士族人稱之曰大宗廟戶事之與庶民同其

以文學起家者亦稱之曰父母

孟氏譜 國初 太祖卹其譜賜之 寶仍給付勅照內言有此者

襲蓋國初襲族長王簿之舊耳至博士某以貧故

質之 魯府一散宗久而不曠 某宗後貧以質之

無益與孟氏之宗 某忽被火今其譜牒烏有矣子

茂才聞鉦有抄稿存乃其祖于宦中之暇先錄之

者嗚呼世事不可知倘不虞而孟氏之派安所取

信乎今宜即稿譜一修之當與此志並垂不朽可

也是在宗子與鄒之為令尹者

優寵聖裔莫如我

明孔氏則一公二博士一知縣三學錄顏曾子孟各

一博士外又有族長舉事而一切散宗俱飾衿佩

以禮于有司租庸不及厚矣哉然諸氏于前代

孟子之母為仇氏稽諸聞見此姓甚稀 按邑人皆

為青縣令時按册審編凡一甲內戶丁皆仇姓也顧以凶歲俱逃當審之時余急行訪問而竟不能得左右欲開除此戶余仍存其籍而俟之歸因記于此

萬曆九年題准衍聖公及顏曾孟三氏子孫止許

三年一次入 賀于朝

觀年行無何仍歲 賀焉

孟氏初立博士時氣勢甚赫東昌有富室李姓者

豔其利傾貲以求遂得竄名譜牒中悉其室遷于

鄒一時列席序者數人名田廣宅布列郡邑不數

十年而家燬于火子孫貧絕略盡其一二存者皆

愚駭不辨菽麥人咸謂之天道焉

本朝陳公璉曰桂林屬邑有孟母太伯等廟莫究所以父老相傳云宋胡穎守潭州毀淫祠惟前代帝王及忠臣烈士祠不毀後穎轉官廣西鄉人聞風皆易淫祠以帝王名臣之號相傳至今遂不能改云

周尚書洪謨嘗著周正辨申周不改月之說甚核其論與余所定孟子生日正同

古人于孟子中一二語得力便是終身事業張思叔因讀志士不忘在溝壑勇士不忘喪其元始有

譜而顯者踵接入

明寥寥也得無富貴福澤厚其生者多遂使貧賤憂戚玉其成者少乎又聞之父老言四氏學向邇鄰于聖廟之東後遷至南門內而科目始塞近利雖有登擢俱屬孔氏而三氏無一焉可不勉哉

孟氏命名前代及

國初俱各自取義不相宗沿近乃宗衍聖之上一字多有犯本氏祖宗之諱者今後命名之時須告之宗主暨家長細考之志譜無蹈前非可也四氏學後正室五楹爲衍聖應襲誦讀之所傍有

三遷志 卷五
孔室卽所以待顏曾思孟諸家應襲者也今空名
獨存誠難頓復然孟氏去四氏學五十餘里往返
亦艱倘于將襲之時卽寄本縣學中令之誦詩書
而友多士兼以習禮儀應對未必無小補云
孟氏廟戶無有司差先年奸詭之徒或有賄投入
廟者而廟之生辰伏臘及入

賀等儀一切雜用亦不爲輕于是亦有本廟
告出者

孟廟禮生先年博士乎縣民由自行選擇經
帖知會本縣近選擇給帖由縣而冗冒濫矣

自得處又羅仲素初見龜山先生先生以孟子創
者其食章令仲素思索且曰此語若易知易行而
有無窮之理仲素思之累日疏其義以進龜山稱
善而曰更于心害上一着猛省留意則可以入道
矣仲素一生服膺此語凡世所嗜好一切禁止故
學問日新尤不可及

通志
卷五十一

